

序

武塘錢龍門先生梓其壑專堂

集旣成門人吳偉業讀而序之

曰天於一代之人才也豈不異

哉彼夫乘機藉勢終身光寵而

顯融者世固不乏其人若夫摧



折之矣而適所以長育之坎珂  
之矣而適所以成全之從冰霜  
剝落之後而所就乃益以遠大  
此古來耆艾魁壘之彥所由卓  
然傑出而後人讀書論世追撫  
本末未嘗不爲之太息也偉業

於吾師龍門先生見之矣先生  
家本吳越武肅王後裔元至正  
間以功封侯至明而科第大顯  
先生早歲負才與從子閣學中  
丞聯翩鵲起閣學中丞兄弟登  
朝遭時遇知聲績踔偉餘慶所

衍至於羣阮諸謝駢青疊紫而  
先生自入仕版浮沉外僚裏誠  
秉忠遭讒被譴空抱屈平之幽  
憂不免虞翻之徙棄燕山閩海  
顛顛支離斯誠清流爲之叫寃  
志士於焉銜憤者矣迺先生處

之澹然日惟閉戶著述若不知  
身在遷謫者以故其神愈完而  
其氣愈充洎乎舉朝士大夫交  
章推薦兩蒙賜環而國事已不  
可復爲厥後局躋東南宵人擅  
柄先生甫膺節鉞總理齟政思

欲有所釐剔而大厦遽傾隻手  
難拄滄海橫流幾罹不測會有  
天幸竟克保全此又足徵先生  
志節之堅凝學力之深至臨難  
不避涉險不傷有以適合乎天  
道而終得善全於風波震撼之

場也歟比歲典型在望靈光歸  
然客有自武水來者皆言先生  
治氣頤神衛攝有素綠髮頰顏  
強力不減少壯時修飭園亭爲  
佚老之計當其觴月坐花看雲  
聽鳥稱盛世之逸民話先朝之

遺事以寄托優游高曠之襟期  
擬諸昔賢庶幾香山之池上醉  
吟司馬之園中獨樂可比肩乎  
由今溯昔而先生所得於天者  
前後豐嗇之際相去又何如也  
然則先生之德望日益高學問



日益精文章日益富固未始非  
少壯之危困顛跌所磨淬而益  
進也天之所以待先生者不亦  
甚遠且大哉反復先生全集太  
約才高而學博識老而氣雄於  
凡孔籍竺墳子史百氏既已窮

源造巔發蒙椒蔀而身所遊歷  
江山景物之奇數十年來時代  
變遷之故亦莫不網羅包舉於  
其中讀書論世者固可考索而  
知也雖經綸注措未獲盡展於  
當時夫何憾歟偉業昔嘗從西

銘先師後受知於先生旣而宦  
路叅差同朝之日頗短近歲挂  
名黨籍幾與先生同罹網羅今  
則各老鄉梓婁江去武水不過  
百里而偉業髮禿齒豁衰比先  
生倍之屢欲鼓櫂而南叩客園

之扉一窺丘壑泉石之勝輒苦  
病眩中止適先生頒示全集以  
弁詞見屬偉業侍師門日久自  
謂於先生之卓德淑行高文邃  
學頗能粗述梗槩故不敢牢讓  
僭識首簡後之讀先生書者倘  
小子之厚幸也夫

以偉業爲子雲之侯芭焉當亦  
康熙六年歲次丁未仲春婁東  
門人吳偉業頓首拜撰





壑專堂集

目錄

卷之一

詩

從軍五更轉行

長安有狹斜行

巫山高

蘭亭集遇雨分韻得青字

晚眺遣興

贈沈訥卿

看新柳有懷

贈陳若倩

寒夕

賡玉臺新咏韻二首

題采花居

賦得輕舟過畫樓

寒曉

蘭亭集對飲秋花分得紅字

齋心

曉起

寒齋

病起雜咏三首

秋原艸

對月漫成

睢陽懷古

以下北征作

帝城春四首

遊高梁橋四首

夏日都門喜雨三首

秋初漫咏

長安秋興二首

冬日署中掩關小臥

移居

大宗伯署中雙鶴二首

阮圓海臥病詩以訊之

送彭觀民南歸二首

長安新雨後

贈別瞿起田二首

月夜

送蔡韞先歸娶

聽砧

思鄉

月夕同阮集之李仲達蔡韞先豪飲至丙夜

卽席口占

雪中蔡韞先過訪畱酌小齋卽席賦

久日彭觀民枉過深以不與昨席爲恨賦二

律招之

送李斗冲出守黃州

送阮集之奉使歸里

送成元岳冊封秦藩

送李仲達南歸

春日楊奎樓招食蝴蝶麪詩以酬之

彭觀民見訪適值櫛髮不及倒屣走韻謝之

送許霞城南歸

漫遣

歲暮書懷

春齋卽景

送丁光三轉餉雲中便道省親

出都畱別陸景鄴

以下奉使歸里

山行

北地苦旱途行忽遇雨雪

夜至恩縣

題村主人壁昨歲計偕北行宿此

途次兗州與魏瑤海年丈馬上相值意外之

遇不勝驚喜時瑤海筮仕金鄉令

過大柳驛

次滁州

度關山

道經一村聖清溪泓然新柳環植喜爲之咏  
道逢梅花有感四首

題驛

磨盤山

道中寒食紛紛祭掃者

渡江風浪大作水波怒湧舟中賦

莊惠觀漁濠二首

南歸重過圓通寺贈松臺上人余昔年讀書  
寺中與上人最善

遊山陰道中

柯山

蘭亭

越中竹枝詞二首

張赤涵師命酌臥龍山房

遊淇園贈主人呂美箭

山陰道中三首

贈劉冲倩

禹穴

西施山

遊蘭蕩

妓遊鑑湖中

會稽彭讓木父母招遊祁園

王遂東招飲新成水閣二首

若耶溪二首

賦得白雪紅粧

遊宛委山二首

賀莊翼菴生子三首

題曹胤之芹香窟

題朱爾兼數花齋

送陳學師轉彭澤論

擬妾薄命

送昭自在治郡天雄三首

晝閒

詠秋海棠

放衙閒坐憶弟

以下饒郡作

匡廬道中雜咏二首

舟行

章江登舟歸饒郡喜賦二首

朱彛庚以詩畫見寄賦贈

鄱湖遇風感賦二首

行羅溪橋上

山行見落葉

獨坐二首

再過匡廬望香爐峰

入東林寺

秋曉舟行

泊舟湖上二首

江行

從饒郡東歸過采石

曉坐

送林學海遷臨海諭

送馮桂海守廉郡

詠江上芙蓉

貧寒行爲貧士作

泛舟

避暑鴛湖

冬日閒詠

閉關二首

秋鷹

重遊峴山

咏雪三首

咏雨中紅梅

買得東郊園居葺薙未半盡日秋霖冒雨時

時獨出感賦三首

贈郭石丈

冬日遊郊外

漫題

秋日訪環洲兄菴居

弔萬元曰上書觸魏璫矯旨杖斃闕下



舟行夾山漾

送徐子旭赴試南闈

春閨二首

入夏雨不止二首

秋嘯高閣

彥林以園居詩次余前韻依韻答之二首

暑夕晚涼

避夕照移舟山下

夏日偶感

詠螢

夏日園居

讀景逸高先生遺表有感二首

小閣坐雨

秋日舟行泖上

秋殘與錢湘靈諸子同遊虎丘歸舟泊村野

燈下讀小青傳有感

遣悶二首

秋日雨後

送魏子一北上爲其尊人廓園鳴冤兼贈之  
以七首

擬香奩體

野梅

月下風吹茉莉二首

夏日讀書軒中

別畸園

清淮道中

丹徒道中見山

途中憶姬人

長安邸中漫遣二首

詠漲塵十首

秋日遊君山

樊中詩

以下謫居作

爾玉弟徒步數千里訪余于燕獄感賦

賦答越溪三

寒園三首

出獄追步子瞻韻

賦得同作逐臣君更遠寄茅止生

題鵞湖山下村店壁

崇安山中贈李韋華

墻東詩二十首

卷之二

詩

題問水亭

為人賦煖室二首

詠史八首

壽程孟然七十

新安東籬探菊

鏡湖晚眺

曉臥

殘臘貧居蕭條閉門坐雨况味高閒賦以自

遣

寒雨積日悶賦

園居幽事

壽王孝峙六十

梅圃五首

晚對軒坐睡

讀竹中高士傳

寒園四首

獨夜三首

雪中登東山介峰二首

用東坡韻

和塞菴雪詩二首

寒夜不寐三首

寒夜疊字詩

遍除山中自遣

西溪道中過江邦玉舊隱

冬煖

結茅閣於萬竹中名曰翠巢

春日閒坐

贈張君闇客園巖壑多君闇所位置

歲暮風雨

人日雨雪集家仲一几軒

關祠傍新籜一枝屈曲與常竹異爲曲竹詩

明妃詠三首

題壑專堂

入山

大雪舟過鴛湖

野步

攬鏡行

寒籟清聲

寒籟惡聲

壽陸慎吾七十

月下看菊步自東山松崗至南村

春社日出城東逢浣月校書

壽王子璘七十

題偶石

送卞伏生北試

春日遊人盈陌老不能逐隊漫賦

題谿黑得樹軒

南村霜宿

厭雨

雨中坐睡晚對軒

寒夜

舟行遣懷

岸舫二首

閱泊亭四首

客程

清和二首

曹秋嶽過訪谿默夜集兼訂看梅之約

夜夢李癡諧謔笑樂忘其死久也夢醒已五

鼓矣

壑專堂集客有女郎在坐

聞鳩

春曉久雨

送盧遠心得請歸里

拜石居掃葉煮茶

暮春東籬課種菊

秋曉

秋霖二首

題松石畫為爾玉弟五十壽

訪菊

壑專堂舊在池北改為寶慈菴供大士今移

築西湄氣象疎豁盡收東面湖山之勝

二首

東籬見菊二首

自題年來詩稿

郭東樵行

山居詩四首

遣愁

送張庭貽歸玉峰

哇山新築小亭二首

和爾斐弟除夕詩

入春二旬園梅未放

謾亭

雨後同爾求弟過東籬摘菊

夕照

松下時生白菌潤腴如玉蓋松枝雨露滴地

所生也人謂之松花蕈烹噉之甚甘香因

賦

山中送客

避雨古寺

壽爾玉弟六表五首

彭城行

霜曉三首

人談世事謂之新聞詩以謝之

贈歌者蘇崑生

出郭

寫懷四首

和家季除夕詩

舟宿水村

冬大米羣兒累冰為山置燈焉燦爛耀目作

冰山詩

初夏病中

龐文茲為余推命厄窮當三十年已一世矣

感賦

秋暮採柑



戴汝可贈端硯賦謝

南廬菊哀英集馥為東南最偶一年忽作幻

弄同枝異葩同葩異色如有神助者作菊

變詩

聞盛伯含訃

壽蓮臺禪師八十

感事

苦旱三首

秋日山居二首

壽吳存初八十

秋暑毒甚快雨

咏天

寒齋

壽孫茂功六十

余昔年謫閩有遊閩山及十六艷十二快諸

詩又有續遊閩詩凡數卷乙酉南都之變

盡失之追憶悵然

雨窗獨坐至三更書感

燈下獨坐

野歎

寒夕不寐

壽爾斐弟六十初度

寒夜讀書

寒雨

再過西谿探梅

東山之麓關祠改呂仙祠

冬至日漫咏

曉過池上觀魚

春夜聞雨

自壽詩十一首

園中老樹

宴坐

不寐有懷

壽王孝峙七十

晴秋

園亭每有頽廢輒費修葺賦以自警

近多賣屋者賦感

寒夜夢牧齋

題三叟冊

元夕獨遊書所見

乙巳七月初五大風雨

遊仙五首

暑夕四鼓舟行

咏庭中雙鴛

歲暮訪黃九烟

七夕

閒坐憶饒郡舊遊四首

謝遣筆墨

詞

滿江紅

題移情檻

滿江紅

拜岳武穆墓

浣溪紗

村居

浣溪紗

初夏園林

昭君怨

菩薩蠻

索笑軒送梅

菩薩蠻

移情檻雨中獨坐

卷之三

序

德馨堂藏稿自序

棲霞石室稿序

芝山會業序

尚書傳妙序

書禪齋別稿序

壑專堂會業序

聽菴日記序

蔡怡雲浙西備兵杞言序

王蕙伯詩餘序

陳靖質居士集序

吳道父蟬蛻艸序

曹遠安詩序

拙逸詩序

驚雨社草序

天選篇序

三河縣開荒條議序

卞休文刻稿序

武塘會課序

武水新社序

朱爾兼數花齋稿序

賀林司理壽誕序

越吟序

環應篇序

浙忠咏序

同文社稿序

陳似木稿序

沈耀泉翼運全書序

蕭伯房客草序

先中憲經稿序

邵武朱湛凝司理政績序

石公詩序

書帶草序

姜季捷宦稿序

劉墨仙稿序

麓史序

陳日大稿序

嬾先瘦烟草序

代笠詩序

蕭林詩序

朱爾兼詩序

陳幾亭全書序

兵家訓實序

墻東詩序

徐伯潤歷試小草序

瞿稼軒兵畧纂聞序

醉雪篇序

小簡序

曹胤之芹香窟詩序

孫賓瀾先生遺像集序

沈友夔遺詩序

秋波七義小序

卷之四

傳

太僕卿李忠毅公暨配錢淑人合傳

閣學塞菴公家傳

兵部尚書巡撫山西都察院右副都御史蔡

忠襄公傳

吏部尚書虞求徐公殉節傳畧

張元長別傳

李癡傳

先室魏恭人傳

三節婦傳

錢淑媛小傳

卷之五

記

重建饒州芝山書院碑記

客園新建關侯祠碑記

重修康山忠臣廟碑記

寶慈菴碑記

景德禪堂常住田碑記

無住菴常住田碑記

客園放生池記

徒魚記

辰山生壙碑記

寶廉堂記

調援紀事

壬癸召用紀畧

乙酉赴召記

治饒三大政記

卷之六

客園山水諸記共十四則

疏

重修景德禪堂募緣疏

大悲懺疏

募刻徐虞求先生遺集疏

卷之七



墓誌銘

吏科左給事中乾颺虞公墓誌銘

奉直大夫饒州府同知卮懷許公墓誌銘

叅軍怡台余公墓誌銘

朱節婦墓銘

文學默如陸公暨配蔡孺人沈孺人墓誌銘

朱母陳太碩人墓誌銘

行狀

光祿寺少卿開鴻周公行狀

先考中憲大夫明吾府君行實

祭文

祭錢機翁相國老師文

祭張赤涵豕宰老師文

祭瞿稼軒相國文

祭蔡韞先相國文

祭曹峨雪少宗伯文

祭花神文

卷之八

奏疏

會議鹽法疏

懇辭兼撫淮揚疏

亟議兵食接濟疏

尺牘

與蕭伯房文學

以下比部

上劉戴源老師

與施謙所先生

與王季重工部

復陸景鄴學憲

復丁改亭南司空

復張鳳臯總督

與洪亨九學憲

與林詡銘節推

治郡

與吳元谷太守

與陳赤石太僕

上房素中撫院

與徐明衡吏部

與趙學臯文學

與阮圓海戶科

復高如京通判

與阮圓海戶科

復蔡庚中尉

復王慕蓼老師

與魏廓園工科

復章仲山銓部

與楊商澹少叅

復章魯齋吏科

與錢麟武宮詹

上房素中撫院

與閩兵遊擊侯銳

復徐明衡吏部

與左滄嶼侍御

上按院汪石蓮

復朱如容吏科

與魏奉之學道

復臬司李鹿巢

復黃大年刑部

啓張赤涵老師

復許屺懷同知

與朱白岳滇按

與魏仲雪水部

與周斗垣方伯

與魏廓園工科

與林亨萬兵科

與魏子敬

與楊蘧初兵備

與姚世所侍御

復韓求仲修撰

與瞿起田掌科

與黃中介太僕

與錢牧齋宮詹

與姚現聞少詹

復吳生白大司寇

卷之九

尺牘

啓李懋明老師

復嘉湖道林公祖

與應太室九江道

與瞿起田戶科

啓總河李葵孺

啓操江陳亨道

與鈔關林浴元

復王喆雲大司馬

與倪鴻寶司業

與熊魚山

與石楚望太守

回張叅將

與王孺初按院

與王孺初按院

與曹薇垣撫院

與上海熊知縣

與總漕李葵孺議民運札

與撫院曹薇垣議民運札

與陳明卿宮庶

與歸文休文學

與朱平翁相國

復何宗元學使

復潘昭度閩臬使

與易白樓僉院

復李二白大司馬

與李向奎文學

與丘禾嘉文學

與雷開先文學

與廬山石隱禪師

與邵武守李元白

與曹能始先生

答陳眉公

與許霞城掌科

與鄭峯陽庶常

復茅止生總戎

與蔣瞻卬蘇松道

與黃石齋少詹

與許岷懷

與蔣瞻卬

復蔡怡雲兵道

復蔡怡雲公祖論練兵書

復陳幾亭進士論人材

與張天如庶常

復李懋明老師

與徐虞求大京兆

與陳益吾豫撫

與鄭荃陽庶常

與侯廣成督學

與文燈巖公祖

復徐虞求大冢宰

卷之十

跋

跋先中憲手札

跋盛伯含畫雪卷

跋沈石田汲井圖

跋老學菴筆記

讀草堂詩餘

跋陶石簣先生集

跋孟東野詩

跋謝臯羽集

跋周萊峰學道紀言

跋張赤涵師未了案

跋西洋砲紀事

跋十七帖

跋武后像

跋五忠手札

跋自壽詩冊

贊

卞子厚小像贊

曹允暉遺像贊



漢壽亭侯贊

張元長像贊

沈道民像贊

孫靜菴小像贊

孫昭令小像贊

自題小像贊

立翁叔小像贊

顧玉臺小像贊

漢壽亭侯像贊

爾延兄像贊

漢壽亭侯像贊

何仙姑像贊

亡姬朱氏小像題語

扁舟橫笛圖贊

王子璘像贊

銘

掃心齋銘

自臥牀銘

方竹杖銘

五老圖銘

題捱日菴

史論

傳說舉版築論

孟子說滕行井田論

韓非初見秦論

秦坑儒焚書論

漢高取天下獨見論

桓濫劉裕優劣論

竇建德非亂賊論

宋伐遼伐金論

語錄四十九則

卷十一

東郊問耕錄 共三十七則

卷十二

東郊問耕錄 共五十則

卷十三

東郊問耕錄 共四十九則

卷十四 共五十四

南遷雜志 共四十九則

卷十一 共三十一

卷十一

詩小序

壑專堂集目錄終

詩小序

余十齡解作詩但啁啾穀音耳不足存今有者斷自諸生時嚶鳴唱和之音至今老耄呻吟者而止凡若干首好事者從臾梓之獨恨當年謫閩詩數卷旣從蒼黃兵火中失去而隱居放言又恐賈忌不敢出今出之人間者僅什之六焉然余竊自媿也少壯時率胸懷以語意淺格卑幾落中晚後及乎暮年稍知刻厲振拔而臣精消亡力不逮志所謂平淡絢爛兩無當也顧考生平所爲詩有幾變

焉丙辰丁巳以後士大夫攬轡康莊逢明盛而鳴  
悅豫情文雍穆想見太平之風焉庚午辛未以來  
鬱紆憔悴似屈子之沉湘蘇公之渡海者意其爲  
黨姦密網善類顛隳之時乎甲申以後招蜀魂而  
不還過殷墟而欲哭間發爲吟詠者嶽岵激楚皆  
竹如意擊石之餘也嗚呼頌其詩可以論其世矣

錢繼登識

壑專堂集

詩

從軍五更轉行

一更霜月淒閨人慘別離明星照庭樹恨攀楊柳  
枝二更鼓角鳴束馬赴長征揮手謝妻子咫尺萬  
里行三更雞喔喔鐵騎橫刀架殺氣銷別心前軍  
動哀角四更渡沙河霜飛塞草枯閨人結遠夢壯  
士起悲歌五更邊月墮曲唱龍城破空却幕南庭  
歸來獵狐兔

武水錢繼登龍門著



長安有狹斜行

長安東陌頭綺疏秦女樓珠箔掩粧鏡半上珊瑚  
鈎瓊筵炳明燭彈箏雜歌喉繫馬誰家子驕貴富  
平侯結交輕百萬慷慨少年遊杯酒傾肝鬲許與  
命千秋醉後片言忤引手探吳鉤殺人尋常事那  
問睚眦仇寄語意氣兒險薄慎相謀

巫山高

韋昭爲孫權作鏡歌鼓吹改漢樂府巫山高  
爲關悖德一曲蓋指斥壯繆侯也余讀之髮

上指改爲震華夏仍其音節而更其詞

熊虎將關與張赳赳髯侯爲漢棟梁義旗北指破  
荆襄陽斬德降禁賊膽喪亡華夏震天威我武維  
揚旋師南伐席卷長江功烈一何桓桓吳賊不敢  
翱翔鬼蜮無逃命炎劉造邦馘操擒權百蠻咸來  
王忠勇誰可方

蘭亭集遇雨分韻得青字

忽得驚人句高吟雜急霆竹風翻遠翠山雨亂空  
青塵洗詩腸異涼生酒夢醒座中多逸少不羨古

蘭亭

晚眺遣興

狂客有狂愁狂情散不收暮蟬啼候月高樹老吟  
秋列嶂如排恨名花似解謳風前快三弄深坐水  
明樓

贈沈訥卿

爲有高朋至今朝一啓關問年頻甲子言濶幾雲  
山乍聽英雄話俄驚遲暮顏何時過震澤把酒醉  
雙鬟

看新柳有懷

柔枝日夜競春光籠雨籠煙遶建章青眼半舒如  
欲睡翠腰學舞未成粧何人繫馬初行樂若個登  
樓忽斷腸還憶去年攀折處勞勞亭上淚沾裳

贈陳若倩

生來俠骨欲凌霄富貴寧如貧賤驕句在錦囊驚  
月魄貧無金屋貯花妖侯門誰買長門賦小玉頻  
吹紫玉簫舌在不愁窮徹底綠窗人靜讀逍遙

寒夕

萬夢聚孤城沈沈鼓四更重衾寒意轉酣酒睡功  
成斜月慘無色高霜暗有聲梅花三十韻又見小  
牕明

賡玉臺新詠韻

日落珠簾捲樓前試晚粧鬱葱山作翠紅湛玉生  
光弱柳搖清月妖花映艷陽流波動微盼應是屬  
東墻

二

相望踏春橋無能吹鳳簫綠波侵綠鬢紅淚灑紅

綃約素臨風倚奇香帶月飄乍逢愁欲亂多夢費  
清宵

題采花居

采花涇上采花居望處聞香到處虛史榻止畱高  
士坐詩箋惟寫道人書吟山繪水天忘妬買月沽  
風價有餘收盡春光得春恨一春強半病相如

賦得輕舟過畫樓

樓外綠楊煙嫋嫋樓前一帶清江遶樓中有個獨  
眠人斗帳輕籠未知曉

寒曉

霧暝雞聲遠霜高鶴夢寒幽人初睡覺殘月在欄  
杆

蘭亭集對飲秋花分得紅字

幾見蘭亭集俄然飲碧筒時雖屬秋節人自坐春  
風酒政無苛法瓶枝有化工花前多妙詠花色爲  
誰紅

齋心

五夜夢初覺激然聞曉鐘萬念寂未起萬法亦何

容腹空無所受清氣來心胸堪嗟在格者塵慮已  
忡忡

曉起

絡緯啼秋叢砌花開幽眼輕煙籠薄雲纖纖若堪  
剪摘取荷中露傾向玻璃瓊清香滌夢魂冷然塵  
慮刻

寒齋

寂寂寥寥抱宿醒微聞柳外杜鵑聲閒愁正似空  
庭草自識春風曉暮生



病起雜咏三首

輕交必輕絕輕諾必輕悔我觀世間人杯酒結五  
內當其勢既衰轉眼成話評丈夫有鬚眉應別具  
肝肺衆趨吾勿趨衆慙吾勿慙獨洗雙眼清瑩然  
自恬退

二

美味腹之疾快心事之殃劇談防後阱順手壞當  
場受用有十分止作五分嘗臟腑時令虛意氣無  
令張人生遇適意孰肯忽退藏我病幾滅性性滅

見神光還視百嗜欲淡如五體僵清虛應日來謝

邵大醫王

三

二豎用火攻炎騰徹卵酉肢體燒無餘此身復何  
有五陰併六入紛紛俱不守始信諸情根均當隨  
業走惟有一寸心炯炯在前後默想精明元照徹  
長不朽諸緣雖復來漠然無所受

秋原草

秋風披原草衆草改凄色如恐涼風深清霜隕穠

蘇東坡集 卷之一  
飾凡物落耳目焉往不傾側對茲悵悴景愾然增  
歎息

對月漫成

萬事不如意傷心逼歲寒支頤對明月淡夜小欄  
杆

睢陽懷古

以下北征作

化碧千年血殷紅百戰衣到今生氣凜不逐陣雲  
歸厲鬼英靈盡孤臣氣力微華戎每多事鎖鑰孰  
堪依

帝城春四首

纔施羅袂怯衣單小雨斜風作細寒晴陌遊輪初  
踐碧鎖窓眉暈乍勻檀濃懷撩句描摹苦好景投  
人發付難莫怪帽簷頻墊角繁花滿插恣清歡

二

纖寒小煖養微疴酒病情癡詩作魔翠重柳堤煙  
與醮香深花淖雨爲和輕塵漾紫渾疑霧遠岫添  
青已似螺惱亂鄉心無際畔菜畦桃陌夢遊多

三

帝城春色太煩囂  
鬪罷華燈鬧小靴  
名釀得錢船  
可載新花出土價  
初高爭尋草地畱  
歌板直恨溪流少  
釣艚欲問閒身何事業  
墨痕酒漬滿衣袍

四

仲蔚門前蓬棘深  
爲憐繁冶試登臨  
草靡柔綠風前皺  
鶯拍新黃柳外吟  
九十春忙花半落  
百千錢買酒頻斟  
近來詩思隨時長  
煖雨晴絲發妙心

遊高粱橋四首

春風似有期  
偏與薄衫宜  
醉色沾金盃  
歌詞付玉

兒沙明畱鳥篆  
水淺見魚吹  
不耐喧闐者  
樽罍到處移

二

淺瀟纖平沙  
綠堤駐小車  
店沽新釀酒  
人插故鄉花  
乍煖迎歌扇  
餘寒壓草芽  
香塵隔笑語  
柳外隱琵琶

三

薄酒暈紅潮  
風來酒色消  
柳寒描淺黛  
客煖謝輕貂  
小渚紆清縠  
晴霞掛紫綃  
陌頭遊冶子  
裘馬倍

添驕

四

晴日漾輕煙清喉佐綺筵草深畱客地雲薄養花天  
柳外羈金勒苔紋剩翠鈿多情何所屬佳句付啼鵲

夏日都門喜雨三首

夜深神女下陽臺萬壑飛泉到枕來焦澤近應生  
綠草故園遙憶喚黃梅客貪涼簟重關掩魚競鮮  
漪亂荇開滴瀝茅簷聲不絕聲聲似爲雨詩催

二

每將晴雨隔宵占幸有清聲破黑甜平野未知苗  
已足瑣窓私喜竹先霑纔堪紈扇乘涼歇恰好羅  
衣向曉添一片溼雲畱莫去叮嚀時與散濃炎

三

漸覺山容水貌枯一番涼雨潤清癯呼童簷底澆  
塵硯邀客樓頭滌酒壺砌石洗開低劔閣盆池添  
得小西湖好懷正值門庭靜閒檢遺編讀大蘇

秋初漫咏

但無車馬與備筵便向紅塵作地仙一葉墜梧秋  
人坐數聲啼鳥吏高眠書因讀破空無字詩到工  
時近自然午倦欲沽新熟酒呼童覓取杖頭錢

長安秋興二首

西山何處不生姿兩醮煙籠盡可見雲物漸高鷹  
翻健碧紅全褪燕歸遲天如禪骨空無累秋興詩  
人似有私一葉墜梧敲夢醒香清茗熟了殘棋

二

洗清雙耳聽梧桐新景偏宜詩骨逢渴退已將茶

半減氣涼微覺扇無功滌迴碧溜芙蓉澗零落  
香茵蒼風蟹雀乍肥秋乍好夢思飛過白雲東

冬日署中掩關小臥

避客偏宜病寒窗擁燂裘茶煙雪後溼藥氣夜深  
浮息念緣纔斷慵眠骨漸柔喟然嗟伏枕歸夢遶  
南樓

移居

有吏纔供隱無家小卜居沈腰春削削莊夢午蘧  
蘧客至頻題鳳人仍作蠹魚涼風亦閑事偏與拂

殘書

大宗伯署中雙鶴二首

清署塵囂盡唯餘鶴唳聞  
晝閒松作侶宵靜月爲  
羣並舞疑迴雪分行似度雲  
太平無可象白羽獻  
僊文

二

顧影互參差雙雙弄碧姿  
羞侵鷺鷥食來傍鳳凰  
池闌苑畱蹤跡清時寄羽儀  
玉堂人獨坐琴韻好  
相隨

阮圓海臥病詩以訊之

曾入天台路何緣得病回  
情多花作祟詩險鬼爲  
灾瘦骨惟支坐雄姿只剩  
慧文圍莫惆悵當遣藥  
王來

送彭觀民南歸二首

玉鞭遙指柳毵毵馬首寒  
沙對暮嵐愧我風塵仍  
寒北妬君書劍已江南  
錦衾漸近三更煖別酒空  
餘一夕酣秋色滿鞍衣  
恰冷歸期恰好及黃柑

二

連牀聽雨話雙歸獨馬愁  
看向落暉懶不作書鄉  
訊遠淡無回味宦情非  
窮邊客久人偏瘦澤國秋  
溪蟹正肥遙憶東山花  
事盡空將征淚溼征衣

長安新雨後

長安十日風萬物汨塵土  
朝來生微涼蕉葉鳴細  
雨輕沙溼不飛歷歷見  
宮樹西山露頭面娟然自  
睂嫵兩腳重欲垂雲容冉  
如吐蔬菊數十輩生意  
俱已怒策杖畦徑間乘閒  
學老圃

贈別瞿起田二首

古道今猶在今人非古人  
笑談都是面嗔喜爾偏  
真莫忽今朝會多緣隔世  
因不然聚與散何故若  
飄塵

二

別酒氣偏寒離顏慘不歡  
樽前一長揖天外數重  
巒燕市容身窄吳山著足  
寬逢君定何日夢斷九  
秋蘭

月夜

片月忽飛來空懸玉鏡臺  
添聲聞亂杵助影有疎

梅照合人千里光分酒一杯長安塵作窟此夜靜  
無埃

送蔡韞先歸娶

玉鞭朱勒耀花明飽領秋風在此行歸去莫愁人  
寂寞繡幃聽取喚卿卿

聽砧

一片砧聲起鄉心碎欲飛寧知聽砧者猶是去年

衣

思鄉

鄉心如轆轤中夜百迴轉夢短不到家月光常到  
眼

月夕圖阮集之李仲遠蔡韞先豪飲至丙夜卽  
席口占

白月引清話機鋒漸入神杯頻無滯酒童雅不生  
嗔暫借吳儂語聊除燕市塵一歌一呌絕此處好  
畱人

雪中蔡韞先過訪畱酌小齋卽席賦

積雪愛不掃因君三徑開探梅停倦馬煨芋撥寒



次霰密風生態詩狂酒借才莫愁虛角枕街鼓未  
相催

次日彭觀民枉過溪以不與昨席爲恨賦二律  
招之

窮巷少人跡君能乘興行熱心勞馬足冷眼對棋  
枰交狎奇詼出官閒好句生莫辭頻過從殘雪尙  
盈盈

二

座得清人在當堵雪倍妍有愁皆欲洗無物不堪

湔衛玉燈邊媚張書酒後顛勝緣疑未滿虛却一  
寒氊

送李斗冲出守黃州

此地由來說大蘇風流能勝使君無綠楊橋畔添  
詩句赤壁山前展畫圖玉管春回催駟馬竹樓秋  
靜飽江鱸莫言楚俗多慄悍行聽他年咏袴襦

送阮集之奉使歸里

馬倦初停勒鴻飛無定枝春燈堪趁拍曉騎忽驚  
嘶意壯憑敲鉢吟孤欲廢詩他時愁絕處夜雨漲

秋池

送成元岳冊封秦藩

如雲使節擁秋風  
笑指秦關百二雄  
紫氣已看橫漢沔  
壯心行欲倚崆峒  
霞觴遙喜頻浮葉  
天寵新頒快剪桐  
聞道西都多古蹟  
牽帷俱入錦囊中

送李仲達南歸

好似長亭柳風塵日送行人同  
殘月遠馬趨落花輕隴水將愁咽  
吳山入夢清別來應寂寞閒與計歸程

春日楊奎樓招食蝴蝶麪詩以酬之

巧把人工奪化機  
滕王閣裏是耶非  
能添鬪茗傳杯興  
寧解穿花度柳飛  
玉翅莫隨莊子夢  
粉香初碎葛仙衣  
朝來飽領春無限  
曼倩從今不歎饑

彭觀民見訪適值櫛髮不及倒屣走韻謝之

閒門誰撤雀羅開  
亦有閒人問字來  
疎傲性成慚握髮  
寂寥景慣懶鋤萊  
長安謁客原非面  
兄弟逢春莫放杯  
君但頻過應倒屣  
亂頭麤服便追陪

送許霞城南歸

笑語尋常閱歲華忽驚回首是天涯金樽初倒人  
攀柳玉勒頻遲馬戀花峰泖思清夢先入尊鱸味  
近興非賒錦囊到處添詩料煖雨晴風與暮霞

漫遣

官不知何署清秋蚤放衙風塵掩戶少花竹近牕  
奢彈鋏歸無計開樽便有家客裘驚漸薄霜露集  
蒹葭

歲暮書懷

朔風吹盡玉顏凋栢酒添來旅思饒殘雪畱寒凝  
古砌凍雲含影曉微霄天涯芳草訛消息故國梅  
花歎寂寥已是傷心懶回首不堪重度歲華朝

春齋卽景

柔綠垂垂覆短墻淡雲籠雨溼斜陽枕邊恰醒江  
南夢燃盡明窗一炷香

送丁光三轉餉雲中便道省親

攬轡春無限花風送使車不辭勞馬足政爾急魚  
書鶴髮添觴夜龍沙挾纊餘獨憐相送客淒斷對  
飛鷁

出都留別陸景鄴

以下奉使歸里

君是當今製錦家幸同晨夕意方奢  
花前並轡春休沐松畔談經午放衙  
蕙帳久空猿嘯苦朔風猶勁鴈書斜  
莫言劔氣終當合盼到延津幾歲華

山行

拂落征塵滿布袍倦吟敲斷玉鞭稍  
投棲側聽遙山磬問徑傳呼隔渡樵  
水向石根流出細風憑山勢削來高  
歸與欲遂嵇生懶客路還羸兩鬢凋  
北地苦旱途行忽遇雨雪

雨陣初酣雪力微汀花岸草盡添肥  
暝暝野色昏如暮浥浥炊烟重不飛  
寒織清江迷釣艇雲封山寺溼僧衣  
聖朝終有逢年瑞處處春鋤歌笑歸

夜至恩縣

日落孤城閉寒山一片青炊烟林外渺  
樵唱晚來清覓路占村火緣山聽塔鈴  
何當息奔走蕭寺說無生

題村主人壁昨歲計偕北行宿此

倦鳥飛將夕投棲得舊枝昔年羈馬處  
深夜苦吟

時戀闕雲迷望爭春柳弄絲不須追往事回首動  
幽思

途次兗州與魏瑤海年丈馬上相值意外之遇  
不勝驚喜時瑤海筮仕金鄉令

驚喜無涯事相逢馬首間詩書仍夙好塵土變初  
顏仙令張琴淨潛郎策騎閒解鞍聊共語清露杏  
花寒

過大柳驛

漸覺江南好村村是水鄉山晴翠可挹渚靜綠生

涼野蕊迎人笑春風撲鼻香馬嘶楊柳岸驚起睡  
鴛鴦

次滁州

景物只如此清芬自不侔古人多蘊藉今日尙風  
流水得文章秀山傳格韻幽歐陽何處得恍惚在  
林丘

度關山

絕壁疑無路山隈一線開亂峰危劒戟深谷暗風  
雷水自龍宮瀉雲從鳥道來度茲天塹險鄉夢漸

收迴

道經一村墅清溪泓然新柳環植喜爲之咏  
曲曲溪流淺淺波萬枝烟柳翠平鋪此中恨不安  
漁艇細雨斜風一釣簑

道逢梅花有感

籬落相逢黯自憐香魂愁暈更嫣然從今乞得閒  
身子咏葉題花倍往年

二

玉魄冰魂繞夢思與君自是有情癡相逢欲去空

回首又是春風一別離

三

色借峨眉雪染成香從天畔曉風生詩魂撩亂因  
花引吟盡長亭又短亭

四

沙寒霜勁朔風斜猶是江南處士家折得繁枝較  
肥瘦玉容應減舊時些

題驛

野老一束芻僅足供糜粥官府一束芻猶云暗車

轂候人奔走吏夜呼田中麥稻今如何

磨盤山

人說磨盤山骨驚心欲折但聞人在山中行不聞  
山中車聲絕

道中寒食紛紛祭掃者

野老含啼向野蒿誰携金帛滿江臯蕭蕭日落人  
歸晚青塚黃昏共寂寥

渡江風浪大作水波怒湧舟中賦

入險神逾旺臨流興轉豪長江物象小孤艇壯懷

高水拍參天勢山迴捲地濤吾生有頑骨破浪等  
觀濤

莊惠觀漁濤

萬族各有性適性在從容魚樂非我樂彼此將無  
同

二

我行濠濮間眇然懷古始水樹結清陰恍見蒙莊  
子

南歸重過圓通寺贈松臺上人余昔年讀書寺

中與上人最善

五年夢境等空花  
白足今應轉法華  
古塔一燈光  
不沒寒林四望日  
仍斜黃蓋淡飯風  
猶在布衲蒲團約  
尙賒何日得還雲  
鶴性與師相對舊  
袈裟

遊山陰道中

移棹入層林  
閒情恣遠尋  
時于烟草際  
如見古人  
心水竹交相媚  
山禽避客深  
無言獨來往  
詩意屬  
遙岑

柯山

策杖覓山蹊  
遙看衆嶺低  
石橋斜度隘  
竹檻俯憑谿  
絕巘人疑墮  
回巒徑欲迷  
是中有廣厦  
寧苦雨

凄凄

山有天然廣厦

蘭亭

遊屐乘春暮  
依然晉永和  
崇山猶自在  
修竹已無多  
棖棟空巢燕  
風流絕換鷺  
回看觴咏地  
樵唱起烟蘿

越中竹枝詞二首

苧蘿村畔剩斜暉  
隊隊村粧只鬪肥  
高挽髻鬟濃



抹粉滿船兒女拜墳歸

二

春江靜綠長蕪蕪兩兩漁船繫樹枝棹入烟深波  
濶處數聲欸乃趕鷓鴣

張赤涵師命酌臥龍山房

烟火雲山一望明下方鐘磬雜歌笙公餘盡日渾  
無事把酒閒聽鶴數聲

遊淇園贈主人呂美箭

偏逢佳水與佳山點綴蕭疎屋數間地古無人嫌

割據風來有竹破清閒月當杯影成三客樹漏湖  
光晃一斑今日子猷能得幾請君牢引竹爲關

山陰道中三首

青山勢欲奔似欲攫人食躡屐窮所之轉展來相  
逼落日在樹間衆嶺變殊色奇情嗜蹈險足力不  
敢齋鼓勇登層崖雲海盪胸臆

二

此間山水容娟娟何靜好如彼閨中娥幽情不可  
道平湖展明鏡晴天鋪瑪瑙衆嶺飛空青各將新

眉掃眷此樂漁樵寧復嫌枯槁

三

古人求守郡每在山水間匪以恣耳目靈府常得  
閒西池謝家草今為茅與菅鑑水何洋洋風流不  
復還

贈劉冲倩

野蕨山薇供酒肴溪心名論對推敲十年夢境今  
知路一字鍼鋒即定交各領熱心堅後約只將冷  
眼看塵囂離情道氣同道上滿路青峰共崢嶸

禹穴

羣山如拱此山雄遺廟歲蕤深翠中偃蹇斷碑苔  
蝕字寂寥幽谷鳥呼風千年玉簡傳遺話

山下有  
砭石屹

然下藏禹  
治水書

一片梅梁別故宮

殿有梅梁  
久已飛去

誰在清明

拜神禹滿船淺綠與深紅

西施山

未染吳宮花草香先從山畔試羅裳鑪峰遙擬修  
眉綠鑑水猶餘幽恨長怪底英雄窮計策却憑歌  
舞定興亡脂殘粉謝人何在冷月荒烟欲斷腸

遊蘭蕩

埜草團光鋪翠茵，狂遊不惜展車輪。  
竹深別塢藏棋客，花覆晴欄媚麗人。  
檻近湖邊寬受水，樓當山面遠收春。  
勝懷勝地今偏耦，魚鳥忘情也自親。

妓遊鑑湖

兩槳催人去晚城，三山溪處悟三生。  
定知夙世爲詞客，多與湖山作證盟。  
白月當眉情語絮，紅潮登頰笑容清。  
葉舟事業寬如許，不向鷗夷行處行。

會稽彭讓木父母招遊祁園

幸借鳴琴暇，相將郭外看。  
池通泉脉遠，亭占地形寬。  
石古藤爲貌，花繁竹作欄。  
殷勤重引酒，直上翠微端。

王遂東招飲新成水閣二首

開人喜高閣，爲近水雲光。  
山助文心秀，風生酒面涼。  
嘯歌歡不廢，狂誕客何妨。  
肯引彭宣入，藏書在曲房。

二

地近山多潤，樓憑水似舸。  
杯中受巒巘，屋底聽風

波酒熱羅襟解狂來觴政苛更聞歌水調幽咽勝  
秦娥

若耶溪

迴舟若耶溪溪水相映綠兩兩擢船郎猶歌采蓮  
曲

二

昔時采蓮人春愁寄江水掬水尋愁人疑在清江  
裏

賦得白雪紅粧

誰携睡足海棠枝間入天花亂墜時若有冰魂應  
掩媯却因舞袖倍添姿當簾映去成紅玉遶徑行  
來點絳脂豈是天公解情事故飄輕霰撩相思

遊宛委山

六言

深林杳杳聞鷄狹磴迢迢策杖寺坐衆嶺凹間樓  
出萬松頂上

二

半水半山半郭疑曉疑暮疑秋嶺勢驚心逾快松  
風聒耳更幽

賀莊翼庵生子三首

五葉蓮花映戶明  
宵來恰喜夢長庚  
纔聞啼哭知英物  
掀斷長髯三四莖

二

晚種藍田玉一枝  
月中名字早先題  
繡幃誼團成歡笑  
索取金錢待洗兒

三

須知露種與雲栽  
不與尋常鬪早開  
結得勝因成勝果  
想從彌勒應身來

題曹胤之芹香窟

瑤草烟霞外  
幽人籬落間  
入餐芳不歇  
懷夢意何憫  
圖書供遊眺  
羲黃恣往還  
佩蘭與採藥  
高韻足相攀

題朱爾兼數花齋

誰可數晨夕  
惟畱幾樹花  
圖書消歲月  
香茗占烟霞  
避俗甘封牖  
探奇寧嗜痂  
未能辭剝啄  
酒戶與詩家

送陳學師轉彭澤諭

振鐸依名勝悠然採菊鄉先生氣不屈弟子意何  
長官冷餘稭秫名高宿棟梁便須重坐席稽古沐  
恩光

擬妾薄命

妾有英瓊琚佩之合歡帶名香手自携顧影生芬  
馥獲寵圖久要薶澤彌自愛君恩忽消歇夢落楚  
山外金閨靜鎖秋夕涼雲和獨彈淚數行輕梳繁  
李命衰促濃華日稀寂寞長新月嘯蛾照庭樾未  
應清光憎華髮君心棄妾豈無故妾心不敢怨明  
月月來雲去風細吹回身再憶纏綿時

送昭自侄治郡天雄三首

縹緲朱旛驛路塵村花郭柳盡生春試看竹馬歡

迎者半是當年解網人

昭自前爲  
北直恤部

二

此地曾經借寇來北門鎖鑰代需材于今戎馬尤  
多故亭上新詩未可裁

三

夾道花風送旆旂君王特許晝遊歸人生五馬無

多貴却喜斑衣雜錦衣

晝閒

晴雨亂無序紅香厭掃除春殘愁夢後花落苦吟  
餘浪蝶狂相撲燕鶯聽欲虛微暄蒸困骨那得睡  
眸舒

詠秋海棠

絕艷遲秋發相逢惱殺人向堦如有訴頰頰乍疑  
嗔弄色偏矜晚離羣不羨春誰堪伴幽獨汀蓼與  
江蘋

放衙閒坐憶弟

以下饒郡作

閒庭時欲暮小雨溼疎花竹暗不知午堂空足聽  
茶魚肥樂水國鳩寂放朝衙忽憶池堂草清吟步  
謝家

匡廬道中雜咏

百里當馬頭十里對人面中有仙人蹤彷彿在絕  
巘高峰摩層霄鳥道引一線飛泉破蒼翠寒色如  
欲濺清景不能畱下馬飲石澗

二

此峰最奇絕問名不可知恍惚十年前我嘗夢見  
之靈秀在肺腑遇合各有時安得入丹青割取寒  
翠歸

舟行

此身究竟擬如何轉轉塵勞作夢過破悶強斟沾  
市酒倦遊愁聽棹船歌蘆喧清吹供詩韻雨帶微  
涼溼睡魔日落前途收檝好晚來江面政風波

章江登舟歸饒郡喜賦二首

今朝拂拭馬頭塵樹色湖光觸目新自在暫爲天  
上坐奔勞笑指岸行人孤懷與水相吞吐倦體逢  
山一欠伸猶厭布帆風力少碧嵐迢遞望芝岷

二

蘆喧涼吹拂孤航欲翦芙蓉作暮裳魚艇蚌肥曾  
見月江村楫綠未經霜侵陵詩骨嗔山色照徹鬚  
眉喜水光莫憶江東好風景秋深何處不瀟湘

朱彞庚以詩畫見寄賦贈

剖開魚腹見縹緗水樹橫生滿坐涼下筆有神超  
物象放衙無事對瀟湘詩來南浦緘題遠畫入西



園竹素香夙世前身有靈慧江干日日賦滕王

鄱湖遇風感賦二首

出門遇惡賓出舟遇惡風當頭意氣逆向後那得  
同一步一踏蹬一浪一撞攻政如拙宦人舉足多  
不通黃牛三朝暮愁殺長年翁目接東來舟千里  
憑片蓬回舟非吾願何爲哭途窮

二

昔我往南州西風阻章渡今我賦來思東風橫前  
路造物意恢恢繆巧豈無故片席不得張靜聽馮

夷怒怒其如我何順逆理早悟

行羅溪橋上

山市經行寂茶香撲鼻寒籬橫花一帶家擁竹千  
竿岸古徑添徑春深灘復灘多情官路柳青眼慣  
相看

山行見落葉

薄倖辭柯葉無言只去枝年年一委地杳杳復春  
時歲晏冰霜積山深日月遲莫看成落葉片片是  
離思

獨坐

輕風起花片團作婆娑舞清坐無客來幽香入庭

戶

二

夢醒酒初渴蕭蕭鳴亂雨幽風次孤燈如欲向人

語

再過匡廬望香爐峰

爽颯疏肺氣高原響素桐春哇吐納水溪谷往來  
風山果靜中落雲僧僻處逢梵鐘時入耳遙望禮

清峰

入東林寺

方寸有丘壑逢山意欲黏清機逝谿水微論出峰  
尖古寺聲聞寂高崖面貌嚴自慚彭澤令妙景未  
能淹

秋曉舟行

青山一夜過曉起看漣漪水氣寒侵鼻朝光炯照  
眉天空千嶺出風活片帆持木葉初微脫化儻念  
楚辭

泊舟湖上一首

日落荻花黃江空風色長  
屬思看遠鷺閒戲逐輕  
航隨意村醪熟遙聞楚  
柚香問程應有地晚浪  
未須狂

二

書劍寂無語對之鄉思多  
滿江風不歇歸路望如  
何孤跡依頽岸遙心屬  
逝波暮愁連暝色千里  
暗  
蘼蕪

江行

流水去無盡吾舟亦欲東  
清風袒襟袖明月采芙蓉  
日戀漁村網江寒水寺鐘  
浩歌愁未歇暮色遠  
連空

從饒郡東歸過采石

柳絮飛香風滿川鱗魚價賤  
不論錢日昏沙市催  
收網雨落江灘好放船  
十里一逢畱客埠三春半  
是養花天輕衫白恰危檣  
底倚看鐘山幾抹烟

曉坐

欲曉天逾暗虛堂燭淚殘  
客心危不寐孤月澹相

看露重花香細霜清鶴夢寒曙星遲未沒應爲去  
人難

送林學海遷臨海諭

誰言廣文冷梅花暖官舍况復雙彩筆卓犖照深  
夜驪騾塵如雲暫顧長聲價云何遷海邦楚材而  
晉借君今漸登庸宦境如食蔗行奉絳帳寬化作  
萬廣廈

送馮桂海守廉郡

蚤合先歸黃閣班再分符竹到鐘灣莫愁瘴海依  
銅柱暫與南人作玉關波靜廉江無鱷徙月明前  
浦有珠還行行五馬驅無疾會見魚書旦暮頒

詠江上芙蓉

不借東皇費剪裁秋江忽有麗人來自甘掩怨辭  
春色常喜窺粧傍水開晚落雖無承露掌愛搖何  
事避風臺試教紅袖憑欄立人面花容兩欲猜

貧寒行爲貧士作

翁翁輾輾窗紙鳴丁丁鎗鎗簷墜冰空困鳥飢鷄  
上距天地凝沍雲無聲墻東王公履繫絕肩聳如

山原齒嚙鶉衣帶垂結何物新詩百韻吟暮雪欲  
換侯門金叵羅王孫不顧可奈何

泛舟

小艇行無礙沿波自逶迤古堤紫竹葉淺水見魚  
兒越女能乘浪吳儂盡解詞樹陰聊息影日暮有  
涼颺

避暑鴛湖

逃暑如逃富貴場掛冠褫珮卸衣裳避囂細檢雲  
深處近冷遙尋水澗鄉洗耳只聞田父語受風時

度藕花香清江已是炎如許尙有忙人不愛涼

冬日閒詠

萬事懶中廢常思靜處休出山聊小草入世媿虛  
舟敗局因誇劫閒觀有冷眸剖開塵俗想落落太  
空遊

閉關二首

盡日惟高坐非禪復類禪苔濃屐痕滿窗淨日光  
圓形隱六時寂爐深一炷烟有胸無別物塵事久  
相捐

二  
乾坤渾不礙浩氣往來間黃雀來何意青蠅止亦  
閒無邊嗟苦海有盡笑冰山白眼非爲傲風塵恥  
壯顏

秋鷹

鐵翎天生健秋風搏擊奇驚分千鳥影窺盡衆林  
枝俯視眼堪憎深藏靜不啼春來頻喚雨應笑爾  
何爲

重遊峴山

山靈應識我故是看山人碧浪重開靨青山不老  
身烟光織如雨秋色媚于春莫漫愁沽酒平莎有  
翠茵

咏雪三首

不妨木落與山枯片片寒花作畫圖斜入天風何  
搶攘遠連雲水半模糊驚鴉忽斷中宵夢瘦宦難  
銜入塞蘆獨有詩翁清興發曉窗呵管更提壺

二

昨夜燈昏醉渴時細聞寂歷墜窗遲前山彷彿眠

高士遠店淒涼倒酒旗一片呆雲微著墨數畚驚  
霰似催詩披裘獨對寒林晚乘興何人動遠思

三

抱得深情到處諧飄零未敢怨風霾隨緣寂寞歸  
茅舍得意慙慙上玉階寒壓酒樓添客竿徑逃山  
寺印僧鞋素心甘與梅花老粧點春愁到水涯

咏雨中紅梅

瀟灑春寒壓小枝盈盈愁暈溼胭脂舉杯笑向花  
神問紅淚凝睚欲恨誰

買得東郊園居葺薤未半盡日秋霖冒雨時時  
獨出感賦三首

秋情牢落似離家媚眼迎人小徑花數片溼雲癡  
不醒萬重陰樹靜無譁病魔退後詩逾妙世味濃  
餘嬾若加辦得山農簑笠在西風吹雨不須斜

二

荷鋤何處破天荒斬棘栽梅政可商三徑尙慚彭  
澤令一丘已擬夜郎王傾臺不任無聊兩野蕊閒  
開自在香盡說買山錢不易買山餘事費平章

三

九旬秋色六旬陰幽事相關雨更侵老子興來何  
不淺世間事敗亦如今柳蠻遠屋縈離恨石丈迎  
人示隱心莫使梁園賓客到蓬樞只合恣孤吟

贈郭石丈

郭生滿腹俱礪礪吐向人間石累累剝蘚爲衣石  
爲骨平地無端現奇詭吾家東郊一區水淺浪平  
疇浸清瀾君來疊作遠山橫古雪飛雲映牕几曾  
中丘壑作真宰驅使衆石如奴婢微茫危鬱綴林  
巒黃癡倪迂頗相似我有茅茨對礪礪子別我去  
我隱矣

冬日遊郊外

出郭謝塵事聊爲下澤行眼前三畝濶物外一身  
輕木脫村墟淡農閒場圃清芒鞋度前浦樵唱促  
歸程

漫題

白晝亦長臥清宵夢境憫偶然開眼處又在酒盃  
間鏤拙無銛鑿醫狂乏大還非偏居勝地人世不



爭閒

秋日訪環洲兄菴居

荻洲如蝸殼中有仙人居柴扉局不開鶴髮讀素  
書軒冕謝夙障荷鋪手自鋤梧竹交後庭榆柳蔭  
前除我來叩空谷網水得蟹魚樽肴風味野沾及  
馬與車衡宇不相遠直北有吾廬不死安可獨杖  
屨時起予

弔萬元白上書觸魏璫矯旨杖斃闕下

六尺寧堪報國恩須畱壯氣拄乾坤士輕生死迴  
旋少時到艱危負荷尊鹿馬未分誰指佞鷹鷂先  
化不歸魂他年悵弔天街上草印萇弘冷血痕

舟行夾山漾

柳曲叩孤艇晴涼試舛天帆高舟忽速江靜客長  
眠城遠先窺塢村稠欲亂烟榜人殊未倦明月引  
前川

送徐子旭赴試南闈

徐更風流後秦淮月冷時得君聊點綴寧復嘆衰  
遲句染鐘山秀羣空武水奇圖南真快舉先占上

林枝

春閨二首

最是關情兩岸山似將青黛學雙鬟玉樓人遠空  
瑤瑟明月梨花夜夜間

二

雙鬟扶上綠雲堆暈得春愁滿鏡臺最恨養孃催  
繡急艷眸偷轉又驚回

入夏雨不止

準擬薰風掃雨開南山尙復起殷雷高槐溼盡生

蒼耳小徑新成長綠苔愛酒豫愁秋後秣典衣時  
撥夜深灰社南社北愁來往中澤鴻飛聽可哀

二

經旬闔戶長烟蘿盡日浮淙入耳多天不可呼成  
積氣人無聊臥養沉疴影消竈火懸漁網聲斷村  
春聽棹歌扶杖已須寬大詔羽書頻到尙催科

秋嘯高閣

佳意生不窮搔首招涼風高閣貯名香氣與雲物  
通古人在天際接之一想中幸憑地界迥目力盤

虛空南山排清秋入座爭穹窿

彥林以園居詩次余前韻依韻答之二首

畸人喜途窮不願呼順風別自有歌哭妻子謝勿  
通敗書伴孤筑寥落三徑中有時一樽酒有時樽  
亦空泥龜與垤蟻冗冗爭窪窪

二

窮儒殊不窮渭濱千畝風深菁矮安屋僅許尺徑  
通佳天覆勝地幽人據其中妙氣靜來宅俗擔減  
漸空高堂澄衆理位置何穹窿

暑夕晚涼

涼夜捐筠簟南軒暑氣疎經年耽道錄永晝厭除  
書世味空忙後詩情小睡餘西疇生意動微雨潤

新蔬

避夕照移舟山下

進艇依深塢疎簾避晚紅斷峰低放月細柳靜搖  
風雁乍來天外人如入鏡中暮山眉黛簇妬我一

樽同

夏日偶感

夜梅曉磬學無生睡近槐安夢不成恐觸機心希  
見物欲除仙障諱居名亂呼牛馬非榮辱倒盡乾  
坤亦太平還笑死心心未死靜看棋局眼猶青

詠螢

生計草烟汀幽光杳冥曉船迎槳細夜塚照魂  
青嬌昵時投袂高閒不下庭秋宮紈扇惡慎莫近  
雲屏

夏日園居

春色如狂夫淫紅掩新綠入夏如入道靜深寡躁  
慾人皆苦炎日此論殊非篤輕涼褪素紈纖腕覆  
殘局耳目清無寄時有篁度曲塵襟早已祛何事  
清泉浴

讀景逸高先生遺表有感二首

嘗聞昌黎言義肉恥庖宰清流以爲殉國事聽瓦  
解公心殊不然投淵擬填海拜手書訣詞字字寄  
忠藹今身與後身孤忠常不改

二

亦有不義生權門締瓜賦亦有不義死倉皇自引

卷之二  
三  
決彼生如陳尸暴露未就穴彼死亦大慙鬼面猶  
帶鐵公生如霜嚴公死如電掣君恩不敢忘逆焰  
不可焚至今秋池水冷浸千年血

小閣坐雨

雨過茅閣外高樹掛陰寒耳目新方快圖書慵未  
攤靜嘗茗味出深閑睡情安暑溼衣篝潤爐香護  
莫殘

秋日舟行泖上

秋水澹無痕清茫天對展江湖有深氣秋至先泓  
演柔櫓怯高風依微入田畝恒抱孤迥心觸景忘  
其褊烟際起農歌日暮聊相遣

秋殘與錢湘靈諸子同遊虎丘歸舟泊村墅燈  
下讀小青傳有感

暮山逢客眼逾青老樹驚霜血淚腥野水織秋牽  
片艇遠烟團氣沒孤城詩窮有債還才鬼意壯無  
聊讀麗情潦倒酒盃須共罄西林殘月夜來清

遣悶二首

厄窮爲鬼氣怨鬱爲巫媒夜室一聲歎衆鬼相携

來所以曠觀人笑謔以禳災世事盡如意天網亦  
不恢鼠肝與蟲臂任運相遷推驅愁如驅雲雲盡  
闐闐開

二

有路盡須走何必擇康莊雷沸兵刃接何必非睡  
鄉造物固佞刻禍福不劑量萬窮相攻戰愁者先  
自降軒眉手濁醪桃菊除不祥

秋日雨後

疎樹不留烟通明見遠天巷香知桂發水氣得菱

鮮山入秋俱蕭花當雨自憐閒庭無個事索句卽  
慵眠

送魏子一北上爲其尊人廓園鳴冤兼贈之以  
七首

泣雨驚風已數秋今朝拂拭寶光浮孤兒裝薄惟  
携劍明主恩深爲報讐嗚咽未殉忠義骨清寒羞  
斬佞臣頭待君搥破登聞鼓持取歸來掛古丘

擬香奩體

驚風急雨送歸橈紅淚多應寄暮潮袍摺酒痕畱

往事舟衝烟浦畏，今宵離腸似飽頻。憎飯別路偏寒厚，著貂何必陽關堪譜曲。人間柳色盡魂銷。

又

淚光的爍照離筵，取次離愁驛路前。不肯近人江樹小，最能惜別柳絲妍。橫烟野水魂無著，斜日疎花憶往年。風急布帆吹不起，春江恨滿木蘭船。

野梅

瘦骨嶽崎照水斜，野梅合在野人家。春風披拂私自喜，故向微吟放數花。

月下風吹茉莉二首

一莖素影浸瑤池，麝作心脾玉作肢。忽有幽香穿袂過，曲欄杆外度涼颼。

二

涼堦溥露夜初遲，小草傳香似有私。風拂領巾還顧影，半規新月又如眉。

夏日讀書軒中

一軒竹影與人長，忽忽讐書意緒忙。掩卷并拋閒事業，橘花香細葛衣涼。

別畸園

小立梅花頂刻身石稜苔暈盡傷神暫辭猿鶴休  
成怨無奈青山欲待人景與心粘如有惑別堪魂  
斷又逢春倚欄預刮他年目竹色池光一派新

清淮道中

清淮十里樹籠堤翠轉青交一望迷午陌草薰昏  
似霧兩江沙溼淨無泥芳心觸景幽尋事吟思多  
端細揀題春欲盡時程未盡不堪携酒聽黃鸝

丹徒道中見山

枯江攢衆舟濁流細如綫一舟介其中礫齧似齒  
戰煩音懊儂耳吳吟與楚諺朝來出江口如病脫  
冥眩推篷見青山爲我開生面冷光沃昏眼眉際  
滿空藉江山豈爲遐詩思已飛徧

途中憶姬人

是處春江可放船一溪晴月一溪烟多情獨有雙  
鷓鴣劃破波紋不肯眠

長安邸中漫遣三首

病僧兀兀僅畱鬚設法消閒度六時漫向公卿窺



邱狀更從坊市購唐詩胸中丘壑原相近門外風塵未許催髀肉欲生饑欲死此情惟有古人知

二

篋中名刺懷三百度巷穿衢瘦馬斜主客不通甯姓字鬚眉如畫捲風沙歸來北牖羲皇近睡去南柯事業賒莫怨黑貂裘已敝炎威不用黑貂加

三

索食無心索睡頻開場翻作一閒人宦情已復似吐蠟世事無何但飲醇歸夢午驚驢項鐸老容風送鬢邊塵孤懷政似故園竹清影蕭蕭乏主賓

詠漲塵十首

有客來鄉里驚逢陌路岐頻施拂與拭始辯是耶非彝鼎容顏古琴書素好違欲知京雒味相向看征衣

二

寓質本輕盈居心忌太清靜常思跋扈賤不恥飄零日月光偏薄風雲態易生試將團作佛成佛與無成

三

莫以塵沙賤香泥燕啄多此偏慚潔癖惟欲穢清  
塗走馬糞和合梓輿輪折磨殊無清淨理豈合在  
恒河

四

北來蒸溽少亢旱野如焚慳雨不成陣驚沙各舞  
文常存荒漠意時帶戰腥噴安得連朝雨鞍前滴  
瀝聞

五

縱作瞞天勢卑柔不自持偶因秋月靜必仗午風  
吹點鬢俄成皓沾衣欲變緇名途偏愛此日夜盡  
如馳

六

誰費研磨力纖微莫有倫不通山澤氣閱盡往來  
人逐步能生霧迷橋難問津細觀消滅理大地亦  
微塵

七

芳草不生處綿綿古道長多應戰骨朽化作晚沙

黃昏慘憐窮戍瀾漫接大荒頻睜望鄉眼何處見  
微茫

八

悄悄十年身驅馳似此塵幾經無盡劫也笑再來  
人蹤跡循行熟鬚眉點畫新抑揄慙路鬼相與笑  
勞薪

九

是物細秋毫乘風亦自豪橫飛逢渡止斜捲隔林  
高水月驅魂杳關河引勢遙壯懷空自熱已向此

中消

十

清曉使輶催征塗黯不開前山未可數阮轍政須  
回有意相沾泊無端卜盛衰是塵皆可憎豈盡度  
公來

秋日遊君山

晴空何處最宜秋挾笛君山頂上遊江氣遠來平  
几席嵐光輕欲上飛鷗石當徑面全欺馬樹簇山  
腰半隱樓醉骨凌風吹欲醒高情引手拍浮世

樊中詩

以下請居作

空垣頽影意何如  
短髮蕭騷對素書  
幻夢不須悲  
失馬微生早已寄  
枯魚憐深斲  
養化僞後悟  
盡人情  
鼎鑊餘終是  
聖朝文網濶  
涼風時一到  
堦除

二

牆茨風落采爲薪  
槐莢當軒疊細鱗  
天外斷鴻如  
喚客橐中飢鼠亦欺人  
孤臣孽子相看淚  
楚咻吳  
濃總作隣  
昨夜嚴更淒切語  
分明提喝夢中身  
爾玉弟徒步數千里  
訪余于燕獄感賦

片影排雲瘦鴈哀  
燈花初結夢初迴  
風塵掉臂看  
人去霜雪傷心有弟來  
病骨寄將孤膽壯  
近文携  
到笑顏開  
連牀不話巴山雨  
淚滴深更媿老萊

賦答越溪三

相見休訝道貌孱  
文章華腴照容顏  
人因同病論  
心密詩爲窮  
接得句艱  
世事嶽寄悲  
蜀道詞壇雄  
踞仰秦關吟髯共  
惜休撚盡  
畱對西湖雨  
後山

寒罔

幽燕日影冷蕭蕭  
天到圍扉望倍遙  
北戶一九封

夜雪西風萬樹湧秋潮心更危險成頑鈍人引羈  
孤慰寂寥叢桂小山原有約離魂憑仗一相招

二

枯坐經年巴木強起來閒步只循堵鼠肝已復厭  
生趣牛背何時出眼光地近刀砧魂擾擾命居磨  
蝎事茫茫關情祇有寒窗月導引羈人歸夢長

三

歸與也擬著黃冠雪滯雲低欲歲闌一局棋收癡  
忽醒五更鐘動意無端惟畱書伴虞卿困未許人

憐范叔寒不是悠悠成怪癖十年前已破悲歡

出獄追步子瞻韻

枯朽重沾雨露春怵中拾得夢中身驚魂定後纔  
知我短髮存無屢問人始信疎頑難媚俗好同癡  
醉有全神燈前古佛仍稽首悟盡冤親夙世因  
賦得同作逐臣君更遠寄茅止生

繁花攢枝不可數剔碎離腸細如縷空館愁人醉  
不醒一庭柿葉封秋雨隱囊欹倚飛遠夢連山疊  
嶂相撐拄山外秋烟點黛青下有高人築環堵挽

強陷堅氣未銷化作詩情健如虎莫恨投荒近日  
南猶勝匡州作司戶海鳥何時飛羽雙窮塗失友  
兒失乳澤畔行吟短策舞欲往從之艱梁父

題鷺湖山下村店壁

青山只合倚樓看樓向溪山好處安雲物竟堪供  
七椀巖花盡欲備欄杆粧欺翠黛春深岫夢破黃  
梁夜半灘欲喚山靈問身世嘯呼不應冷噴阮

崇安山中贈李韋華

丹山盡處見衡門云有今之靜者存欲使文章風  
秀曠不交流俗道孤尊著書卒歲成新語仗劍從  
人感舊恩我輩定交原自別路傍執手不須溫

墻東詩二十首

莫笑邊翁白日眠已憑雙眼破諸緣涇涇那得無  
行地夢夢何勞再視天兀對水雲聊送日苟安耕  
鑿但挨年南山種豆箕將滿扶杖秋畦一聽然

二

熱油鑪畔可安眠煮豆煎膏信在緣世事盡知惟  
剩死頭顱無托但依天金蠶不畏封千篋鐵限何

曾享百年更向塵中商出處道人搖首不云然

三

巖邊枯坐水邊眠已結三生石上緣世事盡頭終  
見現青山作業亦生天高閒廷尉張羅日擾攘南  
柯解任年一鋪一瓢身似羽此生何處不蕭然

四

夙醉常疑曉氣昏臥聞剝啄未開門泉供茗戰收  
奇提香繞瓶花返艷魂層樹蔭軒涼欲滴溼雲拖  
雨細無痕深山直欲忘秦漢魏晉間人不要論

五

塵夢勞勞往事過笑啼不敢且高歌未完戲劇人  
先老纔歷衰彈骨已磨懶癖避人幾似怪慈心慙  
世漸成婆空明何物能相擾覓句蒲團尙著魔

六

欲求閒寂閉門居又涉澆花與著書心倚物行蝸  
著壁事依痕至水成渠納交石丈憐同傲躑跡鷗  
羣恃我疎慚愧此身爲世玷溪山往往盡名愚

七

殘花委豔祇添愁老學徐娘半面羞在餒任烘桃  
杏日高寒長護竹松秋蟬如避客遷移遠鶴不求  
魚步驟幽二徑漸難舒病眼晚涼新霽上南樓

八

醞釀奇譏作放良豈能容易得閒身厚叨天寵惟  
清健不失門風有舊貧晚竹餐秋涼入髮露花扶  
溼醉爲茵隣農漫自籌晴雨近日傳來月令新

九

常笑桃源客太閒殷勤何必問人間羲黃真復堪  
高枕岩洞還應再閑圃有劔有牛供伏臘無才無  
德恃癡頑年來洗淨聽泉耳不受紅塵半點斑

十

秋光晃爍動葵尊翻喜林亭暮色昏不覺晚涼侵  
袂薄却疑殘暑戀人溫蔽虧月竹偏難豁俯仰風  
荷強自存寂寞夜來誰剝啄隔隣鷄犬到柴門

十一

翟公不用署門廬掃軌寧甘與世疎客不沓來清  
可喜事方過去病堪除午鐘出檻時驚鶴秋雨添



潮欲上魚問我閒窗何日課摘蕉臨得絕交書

十二

何處秋聲忽報人空階蟲隱石中身墜梧數葉心  
誰覺小草爭黃色未勻萬事變衰先白髮五湖寥  
落起青蘋滄江病叟無徒侶竹屋漁燈漸自親

十三

人間彌日事茫茫夢斷人間睡味長殘客到門譚  
不韻新詞入譜字生香秋梨爽口露初白早稻登  
場鷄漸黃策蹇行田何所嘆近來磁枕境清涼

十四

破衲毵毵掛體輕悠悠短夢過浮生頑聽世上馬  
牛喚癡想雲間鷄犬聲白晝閉門沉醉起壯顏扶  
杖畏途驚此身潦倒真何狀淒雨號風打敗楹

十五

片片秋光落晚湄遠于殘夢澹于眉恰當秀嶺窓  
淫目偶有閒思杖拄頤萍合萍開風捲殼柳眠柳  
起霧籠枝池亭不用編籬棘衙泌誰來共樂饑

十六

山光水色淨如綾欲使英雄熱血冰屋出溪邊全  
似泊竹高峰外又添層先零岸柳飄何往習嬾眠  
鷗喚不應盡日凭欄天水永移情入曲手逾能

二十七

山邊几杖水邊船花下絃歌月下眠半世已輸忒  
富貴前生似注冷因緣稻梁棲被舍哺日雲物空  
明吐氣天盡日招尋費箋簡秋來樂事急相煎

二十八

朝市新傳黑白紛一丸塞耳莫相聞青山久訂歲  
寒社白首何求日暮雲蝸角英雄蠻與觸蟻封富  
貴牧爲君年來世態驅人遠割據巖阿未許分

二十九

水橫十里盡蒹葭就裏深埋隱士家着色淡來常  
暮景關情遠處似天涯疎纔溼夢行空雨冷不依  
人委徑花杖過虎溪頻莫厭蹉跎茶笋幾時嘉

三十

風塵白眼向誰開睥睨寧云傲世材三畝有收儲  
菴粟五更無夢到宮槐老方乞巧天應笑貧益經

營鬼亦詼絕世尚低樓百尺東山高築讀書臺

風塵白日遠

二十

人亦野莽好

暮景關前

水跡十里

十六

有林

壑專堂集卷之一



